

船

山

詩

草

船山詩草卷十六

遂寧 張問陶 仲治

辛癸集

辛酉

感懷四首

貞元氣簸揚萬物盡糠粃將相任轉輪妻孥憑脫屣
人生百無患大患在心死今古貉一邱呼之都不起
我身殊可念無終亦無始何處九九州寰瀛一杯水
煩言謝三教大道本如底來去仍太虛安能久居此
馭家如朽索濟世如洪濤此身空萬有既遇安能逃

船山詩草 卷十六

山危策猛馬水靜施輕篙羅浮亦塵夢仙禽聲刺嘈
巍哉鐵圍城爲我圍周遭森森排健羽不許凌風翔
耕餘石田石路斷桃源桃古書半感慨開卷心忉忉
羽客輕丹砂黃芽勤內養空門無伎倆日見菩提長
儒生不忘世天下視諸掌積卷塞媿媿焉此書幌
胸無甄事才如鳥挂林莽含真吐糟粕食古盡膏壤
明月來中天照破百思想枕書淡無夢條然付神賞
黃金堆几案不如花數枝稟賦有清濁吾命吾安之
高人妙順受貪人空逆施寧爲貪人笑毋使高人悲
夷光白明豔不期粉與脂世緣忌殊特慎保天人姿

吾師葛稚川無爲無不爲三復內外篇知者其伊誰

中年

於世百無補中年思著書酒名妨遇合詩筆悔爲疎
史局容蕭散妖氛望翦除春風吹夢遠心鏡漸如如
萬象如流水尋源遂有源修心參內學經世恥空言
曉漏趨清禁荒雲鎖故園斤斤謀祿養不是戀華
軒

上元後一日大雪入史館同王勿庵殿撰

以

雪滿東華氣一清冰簾相對兩書生關河浩渺空歸
思筆墨荒寒老宦情待我鈔胥閒似鶴驚人積卷兀

如城誰知昨夜黃齏飯慚媿當前宋于京

正月二十五日喜亥白兄奉太夫人至京

並寄壽門

全家此重聚如我忽還鄉情話連宵急春暉特地長
市朝容大隱戎馬避嚴疆祇惜南飛雁何時亦對床

題門人崔曉林

旭詩慶雲人庚申分校所得士

直勝崔黃葉清嚴數首詩嚴居知我早珊網得君遲
關說無王礎憐才此項斯謀生同不易相對歎移時
誰賞種穰鶴林棲久耐寒魁梧真面目朴雅舊衣冠
孤抱輕華士清言接古歡成連絃指妙東望海雲寬

黃蕘圃同年不烈祭書圖

人到娜嬛夢亦清
羨君真箇擁書城
通神忽感風雲氣
食古寧忘報養情
薰軸華籤春弄影
一堂靈鬼夜聞聲
年年笑我詩空祭
酒脯當筵只自傾

自題山水

樓臺帖地太紛紛
出世入高靜不聞
山頂晴霞山脚雨
仙凡只隔一重雲

二月晦日雨雪同
亥白兄侍太夫人飲酒
作

風雪蕭蕭鎮日寒
一家圍酒話團樂
居翁敢說長安

易兵在遙憐蜀道難嬌女慰情如驥子老親加飯卽
金丹身閒偶檢平戎策何止文章負此官

送味辛之青州司馬任

老占才名第一流青衫人擬白江州作辭綸閣猶簪
筆遙想神山定倚樓騶衍竊冥談大海曹叅清淨相
諸侯堯封禹貢應如昔且爲鱸魚問錦秋

詩酒流連處處同男兒未信可憐蟲生來天骨威儀
古論到錢神意氣窮經世最難通雅俗憂貧莫更累
清雄家聲檢點賢良傳琴鶴儵然是古風

沈中外海茫茫官爲陳情近故鄉冷宦最難持晚

節清名容易慰高堂身無民社新詩好地接江湖舊
夢長五十頭顱堪吏隱飛騰休入少年場

臨歧相對感清門廉吏同留五代孫勲業何年承世
澤文章無處答君恩塵中幻境看雲影衣上聞愁
驗酒痕惆悵東橋輕話別一重楊柳一銷魂

四月五日赴園侍班

三更攜夢出城西頑鐵消磨任馬蹄世味猛醒中夜
酒宦情催冷一聲雞輕車似水流無定文道如弦去
不迷咫尺玉皇香案近朝曦紅映五雲齊

卽事

九一
言二
夕一
二
儵然野鶴偶乘軒人滿書巢靜不喧俗物可能浮叔
夜虛聲久已薄深源全收逸氣歸禪悅懶著雄文擬
臯言朝市寬閒容大隱安心何必定田園

送林希白

蔡挑發山西

空鼓湘靈瑟偏攜單父琴豈無經世想難慰望雲心
攬古河山壯承家雨露深趨庭舊詩禮字字好官箴
兩姓幾兄弟齊年我其君同聽對床雨先作出山雲
潘縣因人美唐風自古勤功名乘少壯不用歎離羣
雨後與崔生旭論詩卽次其旅懷一首元韻
金仙說法意云何詩到真空悟境多慨我浮名母倚

語愛君飢走尙清歌虛堂靜比舟藏壑俗客紛如虎
渡河風雨打腮相對久關情難忘舊煙蓑

奉派教習庶吉上五月十五口同人集清秘

堂卽事

柱下浮沉老宦情虛船風引又蓬瀛商量芸館新詞
賦慙媿騷壇舊姓名靈鵲繞堂應利市神丹入鼎要
修成他山敢說能攻玉十五人當十五城余教習十五人

送韓桂舩

對

之岳常澧道任

君曾官高廉道

江湖子里緣濛濛一道人歸化雨中南浦新吟花作
骨西曹舊判筆生風功名委婉中年立位望高巖上

將同咫尺偏沅開府地城樓笳鼓至今雄
瘴海迴舟事已陳叢蘭低笑看行春瀟湘圖畫新游
跡屈宋英靈古部人虎渡屯風真要路花苗迎馬亦
平民閒官未敢談勲業潦草華年媿此身

久雨一首同亥白兄

中處暑雨滯作湖水面拍拍浮童奴與君對面若干
里一杯朝暮遙相呼徒杠欲成苦倉卒扁舟令我思
菰蘆馮夷水仙一丸耳悔不合作塗雙趺五石之瓠
六戊符真人踏浪無沾濡談昌慈涕亦仙藥陶公木
屑皆奇謔呂梁洶洶尙無畏臨流自笑真凡夫一雨

連綿昧昏曉環階科斗生青燕午夜沈沈斷街鼓積
墻塌屋聲模糊書堂朗朗通庖廚攤書撲面飛雞雛
臣居湫隘復近市北隣處處喧屠沽婢僕怨歎妻孥
吁感君溺愛吾其魚吁嗟公等碌碌安知魚樂魚之
樂忘其居濠梁有客同于予

辛酉六月紀雨二十韻

拔地蛟龍陡飛天辟歷雄刀風先破塊繩雨忽排空
漩訝千江合雲疑萬里同驚心連朔晦彈指判凶豐
巨浸纔平漫騰波倏怒攻市城星宿海畿甸呂梁洪
周道奔如駛層堤豁已通尸橫林影外屋走浪花中

溝洫何年廢災祥逐歲蒙驟難興水利常此誤田功
人化魚頭黑苔皴鬼面紅居然成浩劫那敢問鴻濛
物衆應關數 皇仁爲省躬詔書恩自大荒政濟無
窮淫潦光亭毒炎歊氣蘊隆師徒方六月燮理在三
公薄宦眞漂梗浮家任轉蓬琴樽朝聞淡墻壁夜玲
瓏經野虛長策懷鄉負短篷西南兵未洗回首哭沙
蟲

贈楊蓉裳 芳燦 戶部

花雪連年醜賞同愛君譚藝劇清雄頭銜轉覺貴郎
雅才調寧惟艷體工循吏雍容曾辦賊壯夫慷慨亦

雕蟲關河相望知
已久始信神交是古風

七月初旬
又雨

九陌塵沙變五湖
秋霖暑雨遞涵濡
木棉衣冷三更
節土鼎香沉六
戊符枕上萬山
鄉夢陡車中一
鶴宜
情孤危檐朝暮
看飛瀑手弄驪
龍大小珠

書幃苔潤走青
蟲場屋積垣處
處同一派波連
雲影
上萬家魂斷雨
聲中懷襄未礙
存堯典溝洫難
忘拜
禹功畢竟農桑
闕國計
詔書重疊問
哀鴻

讀周倬雲
為漢
近詩題贈

兵甲蟠胸出風雷
下筆分奇情真過
我大敵僅逢君

妙手還修月雄心自決雲騷壇此年少嶽嶽上將軍

題方鐵船工部

元鵬

詩兼吳穀人祭酒

秋齋孤詠心無慕下筆非韓亦非杜浮名未屑以詩
傳况肯低頭傍門戶古人懷抱有真美天矯神龍見
頭尾眼空天海發心聲籬下嚶嚶草蟲耳邇來名士
紛如織亦有高才苦無識把君詩卷忽驚呼中涌驪
珠萬金直珠光一迸來何處大小堆盤倏無數秀語
生花粲欲飛雄辭脫手堅如鑄五言七言兼樂府尋
常格律騰風雨白吐胸中所欲言那從得失爭千古
哀蔣淪亡名不朽孫洪遠在嗟吾友詞壇老輩訪何

人儒雅今惟吳祭酒鐵船鐵船貧可憐苦吟搔首成
華顛我懷舊雨少今雨得君如得珍珠船同尋祭酒
樂晨夕清尊淡對忘周旋浮葩浪藻是何物虛舟浩
渺凌江天

七月初四日喜晴

風櫺敞虛白久雨愛晴光病葉黏雙屐奇書散一床
酒情延夜月詩夢闕秋堂小助山林想疎花種幾行

秋懷

詩情關歲序秋到忽紛來已是中年近何勞急景催
氣沉如落葉身健且高臺俛仰看浮世雄心未肯灰

故國猶戎馬經時望捷書土風增狡獪金氣不消除
亂久恩威褻兵荒戰守疎秋高鉦鼓急消息近何如
繡襦憐如女投懷且慰情閨房銷意氣豚犬任公卿
棗熟隣容撲衣香婦手成含飴慈母笑服食舉家清
聞世紛多悔深居惜姓名詩摩干壁壘酒棄半經程
籬豆秋先摘庭花雨怒生養閒閒未得難說萬緣輕

謝胡夢湘贈車

一車纔做一車新何止通財有故人潦草衣冠重拂
拭積唐僕御忽精神過門擁蓋君應笑對客揚鞭我
未貧擬脫轅駒駕麋鹿青山攜酒結仙鄰

感事

十年偶通籍夢境不妨遲
官忘公卿貴名慚婦孺知
身問惟有醉才定轉無詩
不肯談莊老清言恐誤時
作畫自題

懶把深杯懶著書
自憐詩味太蕭疎
閒來學畫春風影
新柳雛鶯二月初

秋齋遣興雜詩

隣樹立風鷹積垣
絡雨藤開書千蠹
走緣柱一蝸升
葉冷紅無數
苔閒綠幾層
藥苗隨手種
門歇賣花僧
葦籬延眾蔓
瓜豆不成園
徽壁苔如畫
枯林鳥自言

宦遊容大隱家祭感中元秋助愁霖退晴窗穩負暄
卽事傷搖落真慙未息機蟬驚逢舊蛻蝶老黯初衣
朝謁趨蹌緩生徒問難稀清宵對圖史燈暗夜蛾飛
拾徧閒花葉蕭疎供一瓶有情難作佛無用且溫經
製酒收新果安神煮伏靈屋山秋草合如對數峰青
揮酒丹青手如吟遣興詩人情皆有託我法總無師
意到天難問圖成筆未知堆床千萬束雲散早秋時
簾淨黃稠薄高寒枕異書詩來人定後秋在夢回初
皎月眞圓滿涼雲不卷舒
市近鷄聲遠閒官亦早朝儘容無事飲漸忘可憐宵

僊史名原雅清班影自超十年恩遇重簪紱許逍遙
世緣憑苦樂練此讀書心所學叅諸子無疑廢六壬
天才逢處少人境夢中深閉戶嗒然嘯何曾待賞音

新秋

新秋如病起天地忽清尚祇覺塵緣誤須防酒興豪
鄉愁連楚漢詩境入莊騷俛仰隨人慣無心似桔槔

搖落

西風小搖落無雨亦蒼涼鷹眼摩晴昊蟬聲戰夕陽
身憑安穀法人問作金方細領清貧味垂簾古硯香

題沈舫西

環

太守觀空觀色圖

人生竟無欲塊然其土木有欲而無情疆行亦禽鹿
惟天愛吾人生機兼慧福逍遙情欲天萬物本無毒
人中生美人如農播嘉穀是真五行秀清靈超百族
其來奪明月朗朗照心自匹如優曇花一見恐難復
琴鶴必焚煮拘儒真桎梏革囊造狠語彼法亦窟俗
仙道通陰陽雲霄猶眷屬陳陳三教書幾人不誤讀
君放大光明神光一輪足開圖爲讚歎此義吾所服
同亥白兄登黑窑廠秋眺晚歸卽事有作

預插茱萸繞鬢香登臨隨意作重陽新蓮醞酒舍虛
白大蟹堆盤煮硬黃京寺無規容客醉官階不進坐

詩狂聯床莫話巴山雨我已并州是故鄉

送沈舫西理之任泰安

老眼無疑氣更雄一麾東笑嶽雲紅
企焚諫草知臣直預檢農書想政通
絲竹中年慕謝傳魚鹽霸業振齊風
相逢手版多親舊爲買徂徠地幾弓

朱少仙同年大挑一等辭就廣文秋
仲南歸屬題王子卿吉士所畫統竹山房第五圖卽
以志別

與君幾離聚酬對漸無詩此別尤堪惜
重逢未可期
大官偏愛冷於世忍相遣搖落官橋柳
秋寒贈一枝

高澹王郎筆山房第五圖畫中風景變塵外性清孤
眉宇猶英氣頭銜竟腐儒何時同看竹攜酒問齋廚
眼光橫埽氣中和以我相看許醉歌常覺君才經世
好敢誇吾榜得人多衡文且試心如秤報國終期
海不波莫道茂材無異等殊尤全仗禮爲羅

送穀人祭酒南歸

我喜全家至君因壽母歸幾番謀薄祿一樣戀春暉
鶴尙氈毳舞鸕從浩蕩飛他時相問訊同看老菜衣
所尙分狂狷誰知一性情偶然詩有託誤以酒爲名

問世同無住，修心各太平。前緣何處結，或恐是天生。
共有停雲想，頭銜署散仙。海天常健在，離聚總欣然。
清夢期無媿，浮名悔浪傳。秋懷今澹定，酬贈少奇篇。
僕馬都神契，交情久更深。功名亦軒冕，氣味自山林。
世論如嵇阮，心期只向禽。江湖煙水濶，蓑笠曾相尋。

八月二十八日雷雨

雷雨逼清曉，西風天驟寒。小蟲猶踴躍，高樹已闌珊。
棋爲平心負，琴無聖手彈。新詩多漫與，略許故人看。

閒居

貧與秋光稱，高寒酒一瓶。世緣難解脫，我夢自清寧。

官隱甘頭白浮名小汗青閒居猶著作隨意和黃庭
書堂坐終日秋味太清嚴客至姑投筆詩成乍捲簾
爲貧疑翰墨從俗話藿鹽遊戲談禽遁升沈不自占
親舊容傳食壺觴處處家心胸豁城府面目耐風沙
與懶杯先覆神清飯偶加侏儒同一飽差勝課桑麻
白雪三城遠黃塵九陌長鄉心在牛背宦境此車箱
事有千頭聚才難十面當向來飛動意枯坐日積唐
辛酉九日閨中作是科以甚雨之後修葺院日重開宗室考試例故
主司房考皆以九月三日
入闈初四五等日考宗室
鎖院重來秋更深連年今日罷登臨名場久已翰中

駟賦手何曾擬上林讓我詩情時淡遠惜他衣戰衣
森沈凌寒如采東籬菊忍對朱衣負此心

贈高蘭墅

騷

同年

傳奇紅樓夢八十一回以後俱蘭墅所補

無花無酒耐深秋酒掃雲房且唱酬俠氣君能空紫
塞艷情人自說紅樓透遲把臂如今雨得失關心此
舊遊彈指十三年已去朱衣簾外亦回頭

卽事

官厨進鷄黍風味亦山家有吏妨詩興無錢落畫叉
堂規文儘讀門禁酒難賒不見籬東菊含情待榜花

九月下旬卽事

院鎖重門寂言歸苦未能羈愁芻馬店冷夢水雲僧
塵几悲千卷風窗黯一燈虛廊听雀鼠效鳳不飛騰
豎子修鷄柵田家借瓦盆人煙新聚落樹色古鄉村
得酒難留客無花好閉門連年成社燕風雨認巢痕
閨中夜坐苦寒有作

形影相依四壁寒一枝官燭對宵殘身埋積卷心原
苦事隔重閣夢轉安風雨有鄰求友易文章無據薦
才難消愁剩取閒詩草格墨模糊枕上看

題姚伯昂詩

元之庚申
所取士

一月不相見新詩陡勝人奇篇能磊落淡語亦丰神

志定原生慧才高恐更貧聰明君自足珍重葆天真

董小楮停琴竚月圖

桂敷

人與新桐秀眼琴就綠陰月華分暮色山響答秋心
妙契誰牙曠高懷此向禽風泉吹百道都作水龍吟
歲除同亥白與陳淩滄漸飲酒贈淩滄

小時同硯畫蛇龍彈指蓬飛少定蹤狂能各因中歲
滅淡交肯似俗人濃幾番對酒虛長策何日尋山仗
短筇浮世百年真幼影不應容易說相逢

辛酉除夜同亥白

人影團欒酒遞斟笑依慈母看朝簷塵勞久退繁華

想祿養纔酬寸草心有女慰情增燕喜無才經世忘
升沈鄉書悵望巴潼遠一字饒歌抵萬金

壬戌

壬戌初春十一日雪窗遣興和吳蘭雪孝廉

辛酉除夕原韻

看冷繁華鬢未華飄然人海任無涯雞蟲得失誰干
古梅鶴清閒自一家枕畔奇書聊下酒夢中仙筆懶
生花狂名已散難收取門外猶停問字車

圖史銷磨午夜燈寤言惟覺古人膺鄉愁乍趁春來
草宦味猶餘臘後冰觸手塵勞思獨往累心才藝梅

多能養閒且試遊仙枕知到蓬宮第幾層

春日呈亥白兄

迢迢戎馬夢鄉關九陌黃塵且未還肯北機雲誇陸
海祇慚求點負何山詩開奇現中年悔春到貧家竟
日閒萬事忘言惟默飲花前相對惜孱顏

題顧南雅孝廉菴從遊赤壁圖

赤壁遊踪杳披圖尙灑然榮枯皆幻夢忠孝此神仙
鶴影橫江出簫聲入夜圓憑空又壬戌回首近千年

夏方米孝廉文燾借石寫照屬爲題句

歛笏拜奇石斯人又米顛三生悲牧笛一怒笑秦鞭

大藥誰安命神功或補天點頭頑似我相對亦超然

獨坐

獨坐春秋遠晴窗午夜開風迴何處鵲冰凍隔年苦
事簡留真意官閒養不才挑燈思故國山影忽飛來

壬戌初春小游仙館讀書道興

閒居無所不學始驚其神

繼知其無用知其無用迺神

支干剋應到今疑渺渺天時任轉移玉道一空名將
出鳥情風角更無奇

羅胸星宿本無多搔首長空記轉訛俊傑惟應識時
務笑他矜重步天歌

金木輪環有性情乘時衰旺總天生九疇畢竟言人事
事枉累儒家註五行

步罡踏斗問南宮仙李兒孫亂祖風試看登壇呼將
吏幾人戟手建神功

符籙縱橫影萬千元君真訣況無傳指揮劍印招靈
鬼誰仗朱文上九天

步離身已換形不應空守握奇經五花八瓣因人
妙也似談詩主性靈

異書搜盡尙躊躇萬卷堆床酒一壺到底人謀奪神
鬼不會輕易看孫吳

九竅玲瓏總誤修陰符貽害起陰謀五千言裏生機
足何日函關問草樓

初春問居

籠鳥經年養盆花昨夜分因風憐曉月無雨惜春雲
抱鄰忘貧病齋心省見聞鄉山許歸否緘札問將軍
齋閣三冬小乘春一掃除身閒散童僕物貴興詩書
制酒眠餐穩藏名倡和疎朝簪容祿養仙夢肖躊躇
春到窗軒展燈紅夜舉杯月移雙樹過風捲一蛾廻
禪觀清涼散塵勞灑灑堆小眠詩偶得城鼓莫相催
文史聊遮眼詞章恐悞身書通三式古藥信九丹真

獨學甘無友相知或有人庭花如對語氣味日清新

花朝詠齋中盆花

不捲風簾几簞清瓦盆雙樹影縱橫名場魯酒全無
味春色唐花尙有情老翠荒青遙想像澹紅香白太
分明韶光坐看如流水一卷華嚴慰此生

齋居寫懷四首

幻想謝方壺所居本人境役役看妻孥窗虛一身靜
心光照羣動萬事付俄頃盆花開及時妙香惟自領
何暇冠黃冠津津談內景

故人習禪觀虛刀多不利婚宦兩纏綿轉爲佛所累

那知三世佛步步踏平地慧月本光明金經乃其醫
縱橫梵夾書一掌疏筍氣

道味本清寧塵緣苦煩冗天開世界法那可無周孔
功名東萬變賢智亦神聳遺經範儒衆文字日臃腫
淵乎五千言青牛去何勇

千古無信史麟經安可復上者垂鴻文未流成吏牘
治亂本相因陳陳太倉粟虛堂堆萬卷祇作一書讀
蒼茫經世心別有光明燭

卽事

老樹舍烟寫仲春東風吹暖去年人生來寒瘦天難

補看到流亡我未貧頑鈍自甘成木石悲涼何苦說
根塵全家冷落還鄉夢同是刀兵劫外身

小雨微清昨夜塵眼前嘉樹秀于人孤行尙有閒中
累萬事難修局外身社燕飛鳴原是客唐花開謝不
關春新詩容易酬佳日點筆何愁一字貧

題李墨莊前輩歸槎圖

東海回槎氣象殊三山揮手隔虛無未能爲將能爲
使也是人間好丈夫

碧浪紅雲幾萬重奇詩他日問蛟龍一泓海水杯中
瀉我亦能消芥蒂胸

暮春

那有然疑問六壬閒中甘苦辨
蓼苓家和喜作團欒
語官雅原無富貴心
好月窺人還夜起
流光催我又
春深時花未滿
唐花謝松檜參天想舊林

階前小松

種松不盈尺風格已蒼然
隨意開三逕無心計十年
新枝花底秀小影月中圓
少助煙霞想芝苓或有緣

法源崇效二寺看花晚集江亭

六街車馬耐晨昏
誰領花時酒一樽
可惜才人爭要
路轉留春色讓空門
眼迴城市心慵身到樓臺氣

象尊乘輿共忘歸
逕晚夕陽煙水澹無痕

蒲髯出塞圖

同年蒲快亭名廿

萬言倚馬笑枚騶
拂手長髯出塞遊
多少名王私歎息
此人骨相要封侯

硬語盤空展太才
萬峰低首忽飛來
英雄面日詩人膽
一出長城氣象開

知是飛仙是劍仙
丹青憑仗好詩傳
還家尚帶幽并氣
嚇倒淮陰惡少年

江南煙水綠迢迢
一片春魂黯欲銷
誰識此髯貞婦媚
清歌曾倚玉人簫

挽光祿卿范攝生師

門墻掄指十三年一慟音容忽渺然再世莫教相見
晚此生祇覺受恩偏名場脫略忘師弟歸路分明扶
海天畢竟浮漚皆幻影塵勞揮手卽真仙

簇簇弓刀跨海東枝枝桃李徧春風小秋官冷迴翔
久大廈心高覆被洪婚嫁已完虛五嶽功名未竟讓
三公誰知身世供遊戲一卷華嚴在枕中

友愛情深老更深墮防老淚哭人琴不知蓮域真何
處能證菩提卽此心一味清齋辭蟹蛤九還大藥勝
參苓南歸或化孤飛鶴會向樓霞次第尋

師臨歿惟
以兄老滄

念

尚憶韓門賦雪車攫金爲壽任劉叉
轅駒恰向愁中贈紗帽頻容醉後斜
每問糞鹽如有淚爲憂烽柝恐無家
駉鸞何日從師去猶自沾泥歎落花

觀物四首

英雄回首悟塵緣不鍊金丹也是仙
黃老有情真出世松喬無用枉延年
風雷撒手心原妙鑪鼎埋頭事可憐
檢點芝苓同空笑叛王鷄犬亂升天
仙

不礙浮雲處處隨幾時頭角許全窺
早知變化真難測縱有憑依亦自爲
萬井雨聲天浩蕩一盞香影佛

慈悲神洲春暖清無睡可惜靈珠領下垂龍

身外無端更有身形骸拋去尙精神三更小駐空中
影萬事回憐世上人未斷根塵終在劫幸逃兵火莫
爲憐煙霞纓冕誰千古一例消磨到轉輪鬼

漠漠風花太有情爲周爲蝶不分明畫屏幾處繁華
想團扇誰家笑語聲芳草乍晴雙影活仙衣初化一
身輕傷心金粉飄如夢何苦滕王爲寫生蝶

觀我四首

茫茫生面忽重閒墮地先號事可哀瞥服詔華因夢
遠累心緣影爲誰來名沈青史終無色禍起紅塵定

有胎白業丹元修補急萬牛身重首空迴生

中年歲月渺前生變盡孩提古性情猶賸積光戀兒
女也循常格到公卿飛花墮溷春難挽瞎馬臨池夜
可驚幾個飄然雲水外一枝竹杖萬緣輕老

毒草靈苗大小符門庭風景半醫巫形神久隔生原
侔人鬼交爭勢轉孤枕上心魂疑岸獄眼中眠食羨
妻孥瓣香好禮維摩詰認取天花著體無病

膠革全崩僂備場岐雷醫命竟無方千秋許我留眞
氣百事催人到夕陽誰把黃金求駿骨且餘一壠傲
生王涅槃羽化憑仙佛爲想歸途盡渺茫死

自題勾漏山房

手拓西窗種蜀葵，疎簾一桁護門楣。
豆花宛宛纏纏秋，樹粉壁分明嵌古碑。
熱客不來如有幸，慧人相對百無爲。
金函舊錄忘焚草，清夜猶防玉女窺。

送游彤甫

光緒

前輩歸霞浦

初心不負遂初衣，一曲離憂和恐稀。
忠孝有情知己在，升沈無定幾人歸。
山迎驟雨尤增色，鶴守仙雲莫更飛。
珍重蘭陔春正永，永年真樂戀庭幃。

送陳曼生

鴻壽

之官粵東

夢斷蓬壺籍銅章，萬里行從今收技藝。
放膽樹功名

學闡真經濟交留古性情儀型看開府謂伯元前輩心跡
尚書生

題思元主人樊學齋

豆枝瓜蔓擁秋籬老樹蓬茅露酒旗此是上公新第
宅一回來看回疑

題黃葉林間自著書圖送邵桐南瑛舍人歸
餘姚

冷盡看花眼投簪訪舊林歸應感秋氣人久抱冬心
世網身名小書城歲月深蒹蘆無限好我夢亦沈吟
秋夜獨宿勾漏山房

東堂獨夜矮燈紅。籬豆花殘細雨中。尙爲秋鳴憐蟋蟀，居然心死服梧桐。圍身退筆堆成冢，撲面驚禽去有風。繞屋妻孥呼不醒，一樽幽興與誰同。

陳小筠

均

襲三等子簡發江蘇撫標學習長

句贈別

峩峩良將進賢冠，何止詩登李杜壇。穀壁新持人似玉，芸編舊寫氣如蘭。紀羣交道纏綿久，伊呂家聲負荷難。珍重春江花月夜，龍韜休厭百回看。

癸亥

自題一弓園

培起墻匡地 弓時花分種不成叢
百錢入市更番買也看春光幾度紅

藥苗經夏苦風沙瓜蔓卷鬢豆
芽轉惜春前好烟景一天時雨助唐花

門無芳草徑無苔酒埽黃塵日幾回
如此零星花數朵虧他蜂蝶會尋來

柳如是小像

紅豆花殘又幾春一桺烟柳尙丰神
無窮家國傷心事且恕文人爲美人

松菊猶存圖爲潛齋觀察作

和騰額

袈裟危坐影高寒誰信身曾見宰官遺世妙從經世
悟還山勇比出山難松奇轉喜春前賞菊冷仍留雪
後看一卷仙書一樽酒斷無塵夢到蒲團

題陳雪樵

廣寧

參戎攤書圖

文士不知武武士不能文公卿與將帥爵祿徒紛紛
覽君攤書圖意度溫如玉家傳黃石書剪燈與君讀
長槍大劍誰操縱肯信毛錐竟無用

九日周稼堂侍御招集草橋崔氏花園

涼雨澹九陌巾車宜俊遊菊香隨擔遠楓影背城秋
野望還青眼浮榮漸白頭莫囊聊佩取大槩本難求

獨樂園圖啓子畏畫卷祝枝山書記

一代能生幾才子可憐身世太蕭閒
風塵灑落心原朗筆墨消磨鬚已斑
澗底有神追晉宋緡頭隨意傲荆關
寥寥宇宙誰千古獨抱靈光自往還

船山詩草卷十六

船山詩草卷十七

遂寧 張問陶 仲治

依竹堂集

甲子 四十歲以後詩

依竹堂初冬卽事

漸覺秋聲老流光又小春霜花閒對酒風葉戲隨人
獨學常疑古交游未喜新何須惜遲暮往事久因循
院靜桑榆冷窗深竹相繁垣衣爭上屋石筍秀當軒
才退安微命心平悔大言任人分宦隱我夢自邱園
曲徑礙芳草枯枝容倦禽松孤有雲勢桐小亦琴心

籀早聞雷長花曾冒雨尋林中仙酒足無暇作黃金
萬事中年定游仙倘未遲爲閒開小宴因夢得新詩
修史留三豕還書送一鴟天機清妙否頗亦畏人知

送曹實庵

世華

刺史之在儋州

跨海南尋玉局翁窮通雖異寸心同與民更化如時
兩有士能文卽古風實政自然先禮教嚴疆真要試
英雄金蓮我敢誇榮遇一卷華嚴在手中

題方有堂

續

觀察詩集卽贈

當時蜀犬正縱橫都怕梁山訓練兵牙繡合酬真義
勇雀翎爭看舊書生祇疑身有封侯骨那得詩無變

微聲舉酒宣南同笑舞年來我亦願歸耕

乙丑

萱草書屋

參天樹大書堂小一卷楞嚴坐清曉九衢冠蓋正雲屯莫惜流年此中老

壽稚存

才投戈壁忽歸田風馬雲車此七年絕域文章皆化境更生歲月卽飛仙詩經斂手神逾王史未書名世已傳拍案不須頰憶我青山無數立尊前

題友人息隱園圖

一片風蘋影閒鷗共息機遠山窺複閣涼雨拂深衣
柳老穿垣瘦魚香入饌肥似憐軒冕客辛苦說雄飛

送韓樹屏侍御

鼎晉

省親歸長壽卽題秋江

歸棹圖

還山原北出山難回首鄉雲路渺漫歎我潘輿方送
別羨君萊綵去承歡鸞鳳對影增蘭膳豺虎空羣避
豸冠峽雨濛濛歸棹穩尺書珍重報平安

秋日小園卽事

草樹經秋雨又風老青荒翠閒疎紅閒攜小鉢收花
種要替明年補化工

益山蒼秀水華新
小聚青錢購白蘋
多少魚苗化金
紫不知可有一龍鱗

西風無力助韶華
細蕊丹黃繞徑斜
畫出清寒真氣
味傷心顏色是秋花

打窗風葉漸成堆
冷澹秋懷付酒杯
一院草蟲飛不
去隔牆車馬正如雷

讓他老樹敵霜風
畢竟材高氣象雄
縛草連根如束
馬年年辛苦爲新桐

逐隊游蜂散午衙
數行蝸殼自成家
一蛙深坐怒何
事笑倒牆陰紅蓼花

牡丹畱葉戀秋暉回首芳華事已非
莫恨藥欄經雨壞新栽風竹自成圍

疎籬破落倚牆坳猶有枯藤引樹梢
相對晴窗坐終日高枝時看鵲爭巢

中秋寫懷

華年荏苒桂花初人不團欒月自如
心疾乍增因念母眼光已損尙修書
狂名久厭詩憑藉幻想全教酒
祓除一卷黃庭長默誦寥寥鬢鬢日清疎

書城無地避孤虛老守陳編拾唾餘
誤我浮名纔李杜笑他時務又嚴徐
閒中淨果蓮千葉世上疑團鬼

一車拍徧闌干拚醉倒市樓隨處換金魚

曦園主人園中鑿池因雨得水賦此志喜

開池得神助飛瀑下青天雷雨功奇絕江湖興灑然
草心緣岸活魚夢入波圓我亦閒鷗侶臨流想釣船
農屋供攜酒邨旗學賣茶危亭當一面細路任三叉
橋轉清泠水臺畱瑣碎花憑教過牆蝶也認此山家

題揭鉢圖

愛根難拔是慈恩一念魔高萬鬼奔長爲有情人說
法莫從無佛處稱尊經如梅子畱酸語畫到蓮花湧
淚痕畢竟儒門衣鉢好不栽荆棘誤兒孫

劉象山方伯增畫草蟲廿四種于扇劉文正

公細楷書唐宋以來草蟲詩廿四絕于背紀

香林樹馨戶部裝卷屬題卷後有劉文清王

文端及朱石君師題識

閒從粉碎看虛空畫手原能擬化工小影蠕蠕爭踊

躍關心都是可憐蟲

一物籤名系一詩前賢褒刺總無私笑他豺虎皆蟲

豸想見從容下筆時

家風嶽嶽啓文清一瓜王朱總正聲爲溯淵源增涕

淚題名慚愧小門生

于庚戌會試出王
未雨先生之門

乙丑九月二十八日改官江南道御史口占
改官人盡說遷官回首蓬瀛頓渺漫已向神霄留玉
檢不妨仙夢失金舟無才總覺君恩厚久宦方知
祿養難院風霜秋氣老菊枝相對不勝寒

徐晴圃侍讀炳從戎圖

青山影裏見弓旌想像從戎萬里情難向承平求猛
士能懷雄略讓書生陰符那用埋頭讀露布爭看倚
馬成我聽饒歌亦回首草閒狐兔莫縱橫

丙寅

徐直生寅亮兵部艾湖春泛圖

煙波平遠葉舟輕酒望茶標引縣城水翠眠沙無俗
夢樵青擁擢亦清名隨身鶴影看風格潑眼山光寫
性情只恐未忘湖海氣巨魚潛聽讀書聲

詠庭前小松

積雪滋培久新梢已過人不矜風節古懷抱自涵春
少耽詩酒不信醫藥入春來自覺心精不足
神采將離而外視之固無病人也三月十五
日散朝就姚秋農殿撰乞方藥秋農驚子服
代代危脈也三十動一止則期以三年矣授
以丸散俾服之以延歲且屬掃除一切喜秋

農直諒作詩志感

疎狂草草誤華年暮景飛騰始自憐
塵海勞形甞瓦注神丹奪命望金仙
早耽文酒原非福能遇岐雷或是緣
百八牟尼消晝夜毒龍且莫擾安禪

暮春卽事

已避名場避酒場中年始覺愛春光
英雄心膽依然在只是逢人不肯狂

殘春花夢到文無碎綠么紅也自殊
身上征衣慈母綫歸心何事尙躊躇

打破疑團廢六壬局門便抵入山深
修仙禮佛翻多

事只養春雲自在心

三月晦御史院齋宿題樹

奇樹蟠真鐵如龍抱屋山風高聲勁直春老勢彎環
斂笏應朝拜齊心此閉關清茶坐中夜纓冕亦蕭閒

丙寅春暮依竹堂卽事

居竟忘城市風林綠四圍草心正萌蘖花意小芳菲
作鬧蠶巢管相憐蝶坐衣鄰鍾聲浩蕩清夢不雄飛
風散丁香雪春人惜歲華酒曾消壘塊詩肯付麻沙
求畫客畱扇寫經僧送花官書堆幾帙判尾亦龍蛇
世味原雞肋時名豈豹皮寃親皆蟻夢真幻總狐疑

偉論多牙慧奇謀半肉糜空靈謝仙佛心妙亦前知
雨露恩猶戀風雲氣不豪淘沙醫竹瘦闢樹放松高
避酒甘三舍局門勝百年絕交書亦嬾何苦蒼山濤

卽目

窈窕文窗綠漸遮新篁無力受風斜今年小院春光
活飛出一枝蝴蝶花

松果榆錢次第收女桑新葉十分柔文無花朵好顏
色碎影倒垂安石榴

全家人坐綠陰中堂背青棠也自紅閒向鄰園邀鄭
鶴井華新汲爲醫桐

春暮庭中牡丹僅放一花題句寵之

藥欄已損費支持猶喜嫣紅放一枝儘有羣芳誇貴
彩轉因孤立見清姿歌成絕調雲應想春在貧家蝶
未知相映文無花數點泥人小影太參差

當歸花京師呼爲荷

包牡丹

依竹堂初夏對雨

雨窗看夏氣萬象太縱橫甚大桑垂老鞭藏竹怒生
笑人圖作佛憂世學忘情默闡楞嚴妙心空梵貝声

鎮日

早聽時務夜聽兵鎮日茶瓜有送迎洗耳已無清欄

水到門恰喜賣花聲

丙寅夏日題依竹堂

人海移家擬放船坐看庭宇又三年舊松新竹參差
影冷雨炎風浩蕩綠制酒已慙真曠達養花猶學散
神仙官書賓刺敲門久心遠何妨地不偏

送顏魯輿伯燾之江南

纔聚松窗又遠行江南秋水要澄清到逢七夕鵲先
喜歸趁重陽鴈有情乍拂蓉奩明黛色細分蓮炬照
書聲百年婚宦從茲始珍重箕裘萬古名

夏日

松弱垂如柳，苔陳鏽作花。
分飛蟻赴急，偶語鵲營家。
屐印憐新草，窗痕惜故紗。
晝長消午睡，容易夕陽斜。

畫松鼠

不能成仙人，何不學仙鼠。
遊戲山水閒，消閒且飛舞。

早朝

六月二十日

直廬小語試清茶，仗馬班前靜不譁。
午夜趨朝侵曉散，此官蹤跡似宮鴉。

立秋

六月二十四日

草頭殘蝶抱花飛，燕麥初黃乳燕肥。
不用迎涼試刀剪，春衣重檢卽秋衣。

畫蘭自題

偶檢叢蘭畫幾枝各標神韻肯參差
高花飛舞低花笑同倚春風自不知

觀生閣畫太常仙蝶

英煦齋夫人介文作

雙影集春衫丹黃妙手攬畫原分雅俗蝶亦有仙凡
金粉情難託風花夢早芟觀生畱慧業七寶配莊嚴

觀生閣紀夢圖

玳夢禪畫

世緣明徹卽仙緣妙境憑空也自然不是癡人偏說
夢慧珠拈到十分圓

觀生閣靜自觀生舒卷仙雲妙有情恰喜夢禪能畫

夢最迷離處最分明

題顏惺甫檢白泉偶詠

境闢閒花雪詩畱古性情人從經事老心爲耐官平
百藥扶中氣孤絃寫正聲世緣何日謝辛苦學金城

初秋寫懷

掃逕有黃葉秋心先到詩鄉愁風燕覺宦味露蟬知
疏草焚猶記家書望轉遲南飛念烏鵲繞樹恐無枝

蛛網

高低嘉樹自成叢做盡南窗坐好風屋角一蛛秋網
密可憐無命致飛蟲

蟬

風蟬清響亦天生未必鳴秋盡不平却笑今年成畏
友最高枝上一聲聲

初秋

筆亂已無帽書殘尙有衣少眠增暑氣多好損天機
學靜宜三伏觀空倦一飛漫憐居近市松竹自清暉
七月初六日坐雨

松根苔黑鬼蛾紅蛛網橫窗綴草蟲一卷道書三尺
九宛然身坐萬山中

爲驚風露感秋聲可是遊仙夢未成蟬蛻自黃蟬子

綠一枝紅葉畫三生

秋懷

世味已如此秋心無柰何
金經堆案疊黃葉閉門多
借畫寬詩債將花散酒魔
朝簪猶恩跡辛苦髻中螺

寄答呂叔訥

星垣

廣文代簡

君心若明月我意如浮雲
偶憑真氣作真語無端落
紙成詩文我詩情深頗近人
小巫何必替通神君文
理足不貌古大勇何須誇
暴虎書生事業真可憐消
磨日月惟丹鉛手中湘管自
娟好肯與吏牘爭流傳
老輩猶能及袁蔣光騰簡外
何蕭爽年來毀譽滿人

閒畢竟神魚能破網孫

淵如洪 椎存楊 蓉裳趙 味辛

君同里幾歲長安共悲喜都挺凌雲筆一枝替人僻
踏開荆杞長江大河古天塹茫茫君我何時見通靈
喜有墨花飛一度郵書如一面莫呼塞鴈愴離愁雄
心各自謀千秋武夫健兒亦知己文章氣誼非交遊
烏乎文章氣誼非交遊

吳耘庵

榮基

乘風破浪圖

水花如雨拂征衫逸氣中年太不凡看慣江湖風浪
影始知安穩是收帆

丁卯

正月二十一夜與朱素人本屠伯泉剛集小

山靜學齋小飲

春韶小宴夜相尋不罰深杯任淺斟
籠燭高低還奪月盆梅三五亦成林
千彼早破升沈想百藥難回少壯心
各有游仙真意旨神丹可爲作黃金

送沈叢山

樂善

之任銅仁

頻年京輦共周旋芸館烏臺互後先
愛我琴書常印可羨君珂馬忽翩然
民安更望修苗政官好大宜惜俸錢
九十九溪環月鏡此中游宦亦神仙

題畫

雨晴風煖賣花天一綫春光上紙鳶牛背兒童應歎
我青雲何路勝歸田

巡視南城履任口占 四月初一日

禁門赤棒遞傳呼驄馬重過舊酒爐自笑書生寒乞
相也來小試執金吾

南城判事吟示吏民

平心相對總堪憐肯把名同酷吏傳歎息蒲鞭終是
辱無情何苦到階前

閃爍情辭半蠹靈鼠牙雀角太零星判餘忽動山林
想老樹無言立訟庭

英煦齋少空與介文夫人秋燈伴讀圖

妙筆靈鍼好侶隨繡帷香靜卽書帷蘭言同切衰親
感燕婉何妨小婢窺容易他年杼抱負最難此地得
箴規聞人指點相嘲笑莫更開奩說畫眉

楊惕吾新阡圖

婦李所葬復改十
因作圖以志其悲

世緣難了亦前因潑眼雲山又斬新細檢衾裳呼妙
子忍看眉黛哭陳人團樂心在常如月縹渺魂來不
是春猶喜畫禪能解脫丹青隨手散根塵

楊柳岸曉風殘月詞意畫卷爲石敘民

同福

明府題時之官浙江卽以送別

殘月曉風揚柳岸天涯齊誦柳屯田有情難向詞中
盡此景還須畫裏傳早識英雄真解脫也防身世太
纏絲片帆東去休棖觸人到西湖吏即仙

看青人

秋稼如雲鄉農各雇人守望日看
青人閩司坊報單見此因以入詩

風迴繡隴氣清新耕稼飄然局外身便是無田歸亦
好草樓長作看青人

八月二十七日東高邨僧舍

出郭浮雲散高原野寺晴秋成田五色午梵佛千聲
池小憐魚樂松孤見鳥情無人避驄馬花蝶漫逢迎

贈鄒曉山光明府

遂寧縣令

五千里外頌神明會對鄉雲想政聲正擬豬肝來累
尹何期鳧舄忽朝京久畱冠蓋應無術同話桑麻倍
有情早晚還山隨父老瓦樽拊掌說官清

得受之弟遂寧書

好官經濟只農桑却對秋成想故鄉一縣青山低首
笑四郊紅稻稱心香鶯花有酒聯詩社刀劍無人說
戰場檢點俸錢行寄與爲開深柳築書堂

安國寺飯廠

例于十月朔起至次年三月二十日止夏月平糶亦在此寺

千未粟粟走飢寒變相真從地獄看有所棲流還似
臥臨民方信博施難

忍戀黃稠更小眠
早蘇民瘼勝朝天
朝曦未吐先開
起已與寒鴉約半年

戊辰

戊辰元日萱草書堂卽事

元日無一事
身心太平
妻孥憑笑語
官吏莫逢迎
小几詩書味
虛堂松竹聲
神茶應讚歎
此亦舉家清

李母王太宜人九十壽詩爲李尉鄴亭作

鄴亭

官南城兵馬司吏目山東益都增貢生名景唐先世漢軍祖恬庵有旗職受五品封

神芝香靄鍾三秀
一支雖弱孫枝茂
歲月崢嶸閱四
朝三奇星會應奇
壽我視南城得李
揆承家會是從

龍彥溯姓皇唐景鄴侯命名已被旁人羨陟陸驚心
自小年旌門有母隔人天生來勁骨偏孤露磊落惟
邀大母憐大母年高今九旬官卑無力可娛親報劉
仍體椿萱志精白難忘父母身四坊冗穢君沉毅厓
岸錚錚肯言利小聚南衙只一年居然助我風霜氣
我正水兢遵母命君從大母遵彝訓鸞封一樣太宜
人同仰慈雲合相慶我母成都屢寄書念予兄弟頗
躊躇三人各瘦皆無子每話舍館氣不舒君家大母
眞難及彈指會元紛繞鄰一門叔父況多材華筵舞
綵常逢吉懸知酒進宜人喜孫好何須守鄉里但願

清名來鳳城舉觴聽說山東李春暉照我亦欣懷愛
汝當年好秀才獻壽詩成兼辨椽爲憑青鳥遠瑤臺
三月七日庭中丁香欲花卽事

小蕊丁香綠東風亦漸柔微聞花氣息急望兩綢繆
醇酒剛能制奇書嬾不憚園林真傳舍春夢且勾留
樹煖花將孕巢安鳥自歌氣平更事久心曠得春多
愛女情常過臨民政敢苛風沙憑十丈深坐養天和
朱素人畫望瀑圖

紙墨千年潤濛濛半水雲山光欲浮動人氣亦氤氳
雷味融方寸仙緣占幾分似聞空翠裏猿鶴有移文

春雨種菊

菊苗春動已栽培
準掘深秋醉幾回
不與唐花爭一
現燒根急火漫相催

小園喜雨

葉展春旗草戴環
新苔軍破古苔斑
坐看一雨蘇羣
再絕勝神丹待九還

笠屐歸來早放衙
閒從小吏問桑麻
宦情未必全爲
俗細看穿籬綬帶花

三月十二日晨雪

初十日清明

朝寒料峭怯春衣
香雨桃風影尚稀
不信清明三月

半落花偏與雪爭飛

春日卽事

也有山居想無人贈白雲
盆花求靜女檐樹立將軍
農事虛春及官書每夜分
蠶箋堆滿榻慙媿說鷓鴣

花時

花開先謝客防有折花人
松石神情煖軒窗氣象新
仙心常隱約書味亦清淳
逐隊憐嬌女牽衣笑語親

四月十五日由香山至臥佛寺奏火卽事

守中

娑羅樹相傳爲
唐貞觀時所植

却爲應官締佛綠津深疲臥合相憐
神中白簡藏真

火頭上青山湧妙蓮
麥浪連天迎夏雨
安羅留客話
唐年齋魚珂馬誰
千古滑路迴車一
悵然

年自臥佛寺歸午睡得大雷雨

露簡歸來墨尚新也
如臥佛離風塵虛堂高枕聽雷
雨不是拖泥帶水人

四月二十九日南城得代留別官吏

愛克威原少無情
尙有辭略能分例
案不敢用鞭笞
吏靜文誰舞民來教
已遲一年塵積在
功過寸心知
讀律知仁術求生事
頗難君期邁堯舜
臣肯學申
韓斷速官書簡衷和
令申寬城鄉羅萬井
只作一家

看

爽朗張公子頭銜學鈍翁官卑偏氣骨年少已清雄
用世才須斂驚人句早工趨庭聞縣譜珍重好家風

副指揮張

少伊學程

精勁山東李從龍本世家爲貧官爲小能事氣能華
薄宦成雞肋長才試鼠牙開封驚判筆片語息紛拏

吏目李鄂

亭名景唐

訟獄因時減寬柔教不偏胥徒知奉法

吏典韓錫僕
綸王德慶

御愧言錢

俟顧文趙桂
及御者朱黑

善小九須錄才微倍可憐豎

臨心自苦雙佩凜韋絃

老樹參霄隸迴環立訟庭風雷看折獄日月照明刑
聖化先名義鄉愚有性靈斯民原直道揮手不丁

寧

此筆非刀筆沈吟判語遲案成真似鐵律細過于詩
虎渡寧關政蛙鳴或爲私客來風月好舉酒未應辭
衙鼓催人俗勞勞舊散仙風塵難出世花柳忽經年
或此心堪問曾無事可傳城烏休笑我來去總翩然

贈香山臥佛寺娑羅樹

一樹閩唐宋吾生却有涯甘逃名匠手笑倚梵王家
秋掃鈔經葉春開倭佛花山僧誰解脫可惜好袈裟

夏日卽事

窗推簾卷屋如船亭午常留樹影圓引出成圍小
蝶迎風飛舞撲榆錢

蝶使蠶媒在意狂憐花心老倦尋芳請看別院春常

鎖開落何曾問海棠

堂角小院有海棠一株

鮑曇原比部

上貞

送窮圖

江蘇甫書

卽步元

韻

人阻青雲路未通鬼燈也自可憐紅一文一畫能消
遣世上寧教我輩窮

文心游戲與天通仙夢何妨恩軟紅鬼去亦佳來亦

好任他翻案畫留窮

明熹宗御用戣金雙龍小鐵斧歌

天啟三年造

熹宗翫國真兒戲妙運成風甘死戮大柄參天忍下
移人知客魏誰知帝宰相門生供臂使那愁代斲能
傷指忠直推殘寇盜橫官家正作公輪子龍袞全拋
充巧匠調元手與共工抗奇技躬親紂不爲百王無
此妖情狀易姓今將二百年故家法物總雲煙雕文
鏤采傷心極盱食宵衣世不傳

依竹堂夏日

可是圓官免治生心源慙媿在山清高林遮院綠無

縫小硯點書紅有情酒誠中年憑毅力詩狂何日懺
虛名當關莫更通賓刺讓我看雲待雨聲

題常蘭陔侍御文爲人回箴

人能用萬物回首每忘我茫茫身世緣措置無一可
達人明道要自視不瑣瑣驅榦本天生行藏仇之安
箴人卽箴已了了若觀火

程品分萬殊在栽居何等譬如陟岱宗曾當凌絕頂
擎芳蕊繁豔梅菊獨清冷官階任遷除銘心有鐘鼎
中流立脚難神山風易引立身

一行抵千言栽花期落實兵從紙上談制勝那能必

世途太紛錯舉步有得失視履稟春冰何賢不可及
名駒如龍騰大道如弦直

敦行

立身有定分吾分吾能守越者志已驕爭者貌可醜
浮光憑萬變形影自成偶如登北海筵易醉莫強酒
鴻溝劃楚漢尺十不能苟

守分

天地有盈虛清貧亦可喜銅山鑄奇禍不如常飲水
昌黎未聞道慷慨送窮鬼一念馳紛華逢人即搖尾
彈琴歌先王何暇呼庚癸

安貧

與君偶同歲同官亦偶然自從窺行誼如獲珍珠船
飛騰四十五氣定神猶全少老志易奪精進惟中年

交無界爾汝我我相周旋

題淵如前輩所藏孫子名印時新啟祠宇于

虎邱

千軍都作美人看破楚功成不受官何必黃金懸肘
後紅泥小篆自龍蟠

小鑄銅章記姓名著書籌策氣縱橫故人轉眼浮江
去祇可歎兵勿將兵

兵經早配六經傳重結文孫好古緣那得丹砂鈿萬
本雕摹畱葢十三篇

閩門新柳映祠堂冠珮翩然倚印牀歎息吳宮舊花

草一椽何處弔興亡

題家子白

若采

梅屋課女圖時官涇州刺史

回中西望黑雲蟠紅柳迎風媚長官冰雪填胷才氣
陡熊羆占夢宦情寒不妨酒渴居延海自有詩爭上
將壇檢點奇篇傳驥子挑燈先喚女兒看

投懷玉燕幾時生嬌女題箋也慰情失丹孤雛增愛
惜避人小影太聰明塗鴉窗底燈如笑詠絮花前雪
有聲還望引珠詩早賦鵲巢春樹好經營

戊辰夏日依竹堂感

小住五寒暑風花亦換形
捧龍穿逕紫松蓋過檐青

閱世多情態應官損性靈虛全思報國門戶早添丁
美人篇

人貌充宇宙有美忽超塵美人實無罪溺者自忘身
佛慈遠花鳥何獨憎美人草藁斥玉女狠語殊津津
妍媸無定相搏土憑風輪譬如妙蓮花凡豔誰與鄰
亭亭出淤泥照世常清新彼法故平等好醜尤須均
河于能逐臭未必皆應真況此浮世人何處無婚姻
儒書必莊誦人道寧全淪桃夭對之子美惡皆前口
美人亦人耳既遇宜相親房惟期靜好何必矜天神
戒色不戒美美美人胡可贖惟當絕嬌妬燕婉和天倫

醇仙猶眷屬道妙資含醇嫦娥坐明月寶曜流三辰
清芬記彤管妙字來祥麟瑤篇被琴瑟萬戶歌陽春

題河渠書後

萬卷河渠志縱橫變禹謨海天源委幻沙石性情麓
就下真神力培高總禍樞順流功自易衆口莫齟齬

題錢天山六和觀湖卷子

涼秋山五色風雨亦鮮明紅葉隨樵遠黃茆比戶清
亂帆通水脈神弩壓潮聲指點錢王塔茫茫萬古情

新秋喜晴

松底疎花一兩枝窺窗風竹好手袞新涼萬種秋滋

味都在勞人默坐時

虛窗流影月華圓
淨凡無燈自皎然
一卷玉書清夜
讀將身料理作才仙

讀道藏口占

靈符萬道走金蛇
丹鼎千方覓箭沙
忽悟上清無一
字羣仙何苦事如麻

妄覩元素詔心傳
陰火無光鑄穢仙
忍跨毒龍趨孽
海二出風浪正掀天

道妙難從字句求
始知持誦是盲修
一聲霹靂天庭
破莫勸泥人坐土牛

播弄天機道已偏幾人妄想爲延年虛空一氣清無
界何處形神不自然
有學無功歎六塵可能磨鏡日清新捫心細檢元都
律常作神霄對簿人

禪悅

蒲團清坐道心長消受蓮花自在香八萬四千門路
別誰知方寸卽西方
門庭清妙卽禪關枉費黃金去買山只要心光如滿
月在家還比出家閒

題黃退庵

戴鈞

馴鹿莊圖

鑄詩心老卽禪元小築溪莊
結靜緣墓樹英靈依父
母雲房清妙鍊神仙好花且
自閒中領佳句憑他世
上傳欲借斑龍來問道笑攜
芝草到尊前

巳巳

禮闈分校口占

春草油油綠到門水筒雞柵
小鄉林手除荆棘栽桃
李畱取清陰待子孫

巳巳七月子選吏部
驗封司郎中朱滄滄補

戶部戴金溪補刑部
同赴灤陽途中作

二君
庚

戊同

微雨清 鑿路關山久太平 塞雲能度色邊柳不秋
聲地大峰環守沙荒水夜明 行歌笑秦漢辛苦恃長
城

攜得神仙侶看山作俊遊 廿年多聚散十日且勾留
村酒閒斟酌吟鞍小倡酬 蒼茫關塞影風雨萬重秋

南天門北眺

亂山中斷大河橫 沙水茫茫萬古情 平盡戰場開輦
路綠楊驅馬忘邊城

常山峪道中

羣峰歷亂水彎環 彷彿騎驢出劔關 過客車箱誰綠

鬢野人籬落總青山
雲林雞犬新村小
風草牛羊古塞閒
一樣中原禾黍色
邊兒不唱大刀鐮

古北口

野水尋通谷
長城鎖亂山
時平關吏小
秋老戰場閒
疆索留形勢
雲沙照往還
壯懷猶磊落
銷向馬蹄閒

春草

萬花委露膩無聲
春草油油太有情
一樣踏青人過
去
芒屨珠鞞不分明

題宋芷灣太史寓齋

湘

壓架堆牀聚典墳
小齋清曠絕塵氛
野花裝點成農

屋狂草蟠拿起陣雲得句有時甘讓我縱談無地輒
尋君空明也仗薰修力洗眼休輕楚夾文

與朱滄湄同年夜記

浮生於世且談空莽莽重輪地火風忙處能閒有誰
及夢中無事與君同未完宿障仍遊宦要習塵勞肯
送窮檢點全身還造化牙鬚不是可憐蟲

秋日過龍泉寺訪清遠上人

經聲纔起市聲遙人海中分路一條佛地光明惟有
月宦途消長不如潮僧閒未肯輕饒舌官冷何須畏
折腰坐看秋風搖落久莫將堅固問芭蕉

題趙象庵齋中菊

看花可止坐籬東香影平分半畝宮
五色鮮明爭豔本一年培養助天工
不知詩酒來何處只合神仙住
此中粧點秋堂成畫錦題糕時節尙春風

宴坐小詩

五言絕句六首

董帷不窺園周窗不除草心光不外流
生意此中保霜花不媚人風葉能送客
芬芬車馬塵只用一牆隔秋風夜有聲
寒信一何勇裹草護桐身沿階拾花種
出門無所營閉門閒不得一筆用十年
消磨幾斗墨虛室生妙光默坐忘昏曉
大地穩如山蒲團不妨小

經藏堆成山仙佛有何事萬言說身心身心無一字

九月八日獨遊黑龍潭

在陶然亭之東

積水沈如墨荒潭或有龍堞山青壁陡壇樹綠雲濃
亭小神孤立蘆深花萬重市塵人語隔風定數聲鐘

齋居二首

齋居空萬象僮婢覺官身門有求書客家無謗佛人
瓶香花自冷窗淨月常新蔬筍杯盤小何妨酒再巡
花徑緣籬曲經行日幾回舉觴媿六伴探笈古人來
爐煖真香久林空夜氣開化機常在眼埽葉看秋苔

依竹堂秋意

園小秋光滿軒窗幻影中盛衰聽落木苦樂看飛塵
霜煉通宵月雲流隔夜風夕陽偏綉爛薜蘿半牆紅
寶蓮精舍自題

寶蓮精舍一枝燈照我迴光得未曾經卷堆成無佛
廟旃檀薰透在家僧最難身脫干重障及早心從七
處徵參徧貝多真實語肯依權說問三乘

心光

妻孥隊裏乞閒身容我修成自在人忽露心光無一
字始知經藏亦根塵

贈曹霞城太守卽送之成都任

六典

遨頭歡喜看行春花柳成都氣一新
檄草舊傳清壁壘屏風今愛畫
峨岷人能賣劔歸循吏我亦移家作
部民祇覺建牙消息近可容攜酒聽
經綸

偶從廠市得小鏡二面背鑄清閑二字題絕句志之

靈光無故墮人間何日丹成許大還
小鏡分明相對語鍊虛真訣是清閑

望古

羲軒去已遠姓字皆神奇各味生今理
長癯望古疑孤琴絕牙曠百藥亂雷岐
大道無人我皇風要轉移

初冬夜

秋盡小陽春天高夜氣新雲如花一片月現佛全身
詩草留清梵衣珠避美人可能空色相猶恐著心塵

題金陵江芳谷致園圖

樓閣閒裝點精心抵畫工野香來枕上流水閉門中
養樹扶生氣招雲補太空此間塵事少可肯換三公
閒身

塵勞未許謝檢點成閒身金丹學黃老玉壺買青春
贈勒宜軒制軍

祥和風度望如仙不信曾操上將權銅柱威能揚萬

里鬼方功豈待三年洗兵真副君恩重調鼎行看
相業全絕勝憐才嚴僕射慶雲何止被西川

題復園畫冊

鷗鷺叢中笑語親小紅橋上小詩新高車駟馬驚鄉
里祇覺相如是俗人

題陳受笙秦隴以後詩

關隴歸來逸氣橫居然搖筆畫秋聲眼空土偶才方
大人到金天夢亦清詩例中年應綸爛仙心他日定
和平雕蟲難了英雄事莫豔悠悠世上名

冬夜讀華嚴經畢函記十一月二十二夜

樓閣門開閉微聞彈指聲
衣珠傳大乘海墨渡羣生
貝葉無文字蓮花有性情
菩提心不斷明月正三更
題屠孟昭傳雙藤書屋圖
時孟昭由翰林改縣令
自寫此圖畱別寓圃予可封之廳亦有此花故牽合成詩以博一笑爾

官私傳舍總雲煙
同與雙藤結妙緣
根似漫郎盤錯久
花如仙令性情圓
莊嚴瓔珞難成佛
描寫虬龍許上天
縹緲神山風易引
莫畱枝節恩虛船

題林樸園內兄芬河東遊草兼寄劉松嵐使

使

詩瘦心光露純功欲證禪聲聞非上乘精進必中年
花任空中落珠從定後圓寒宵誰可讀開卷供金仙
人境歸詩境河山笑語中深心除霸氣古意畫唐風
薄宦飄如客高吟響在空使君定相謔天下幾英雄

寄荅劉松嵐

時年五十八始得子並聞來春又有徵蘭之喜

人手驚河嶽瑤函鄭重開情長應得子交淡始通財
仙酒尋常兌竒花次第胎中條山架筆好句破空來

庚午

雪爾勒

掃雪堆彌勒清涼現化身因緣非實相和合總微塵

止水無爲法空花現在人瓶梅親供養紅尊一枝春

送內兄林松巖司馬之任襄樊

廿四年離聚相依此一年風塵同笑傲花雪小流連
婦孺添情話琴書省世緣如何人日酒驪唱又尊前
五十纔遊宦相看各老蒼才人半司馬名境古襄陽
花縣迎嬌女幽州感故鄉到官風景妙詩思滿魚梁

唐貞觀阿彌陀金塗小銅碑

碑高三寸許爲阮芸臺前輩題

一莖小草現金身一點微塵轉法輪莫笑唐碑三寸

許威光曾照請經人

舊唐書貞觀十九年元奘歸至京師此碑紀年爲貞觀二十一

年正月
八日

褚虞筆妙湧豪端響揚猶難鑿更難同把須彌藏芥
子神工都作化人看

題程素齋主園圖

閒爲園林判主人綠楊城郭不勝春二分明月無窮
世十里清歌現在身墩與鬼爭憐介甫山從我買傲
嘉賓丹青收取揚州影長對鶯花共寫真

題曹夔音臨趙松雪畫仲長統樂志論圖

曹夔

音雍正七年應教臨

清貧能樂志何事說田園世網寬無礙塵襟靜不煩
畫圖摹善本題詠泥元言一笑空諸有安心卽道源

自題寓圃

青綠銅斑古書義參差葦桿舊籬笆難分真幻知誰
屋偶許眠餐卽我家山果雜收聊製酒竹枝刪截待
扶花經營總作旁觀想一任妻孥笑語譁

二月十九南湖春舫夜飲歸枕上聞雨

年年塵海看春晴難得春宵聽雨聲屏角燈清仙夢
悄被池香淡嫩寒生雲龍假手真無界草木同心各
有情可惜田園歸太遠青簔紅笠誤山耕

題象庵齋中玉蘭

擎空仙掌露華滋吹破瓊瑤放幾枝老幹亭亭能自

立生來誰要葉扶持

自述

宦海浮沈二十年司封司諫舊神仙眼中歲月追風
馬意外功名上水船難報 老親猶竊祿未離身世
且參禪深宵負手觀乾象萬影橫飛總湛然

春寒

聽風聽雨耐春寒閑盡塵勞鷓轉安冷煖宦情如楫
柁蕭閒詩味在闌干酒香略許同心對花好還宜慧
眼看笑謝南園雙蛟蝶莫扇金粉上蒲團

小園卽事

晴松兩竹影參差小圃春寒綠意遲試爪雞臆傷嫩
草安巢烏鵲選枯枝生憐蠹葉成何識祇恐鳴蛙總
爲私花底閉門無事飲破窗風味古人知

客有嘲予車敝者戲荅一詩解之

車澤防人瘁襜帷不取新看花常緩緩過關亦粼粼
拜賜如乘鶴追歡任吐茵白牛傳大乘平地轉風輪
草橋一帶春望

春味濃于酒乾坤百寶裝雲蒸山骨秀花孕樹身香
農事分紅藥人家半綠楊橋南添畫舸風致亦江鄉

閒中得句

舟山言集卷一十一
三
爐火畱香種瓶花助酒情
逕閒尋竹趣檐靜待松聲
書與經年讀詩殘隔日成
避人焚舊草非有不平鳴

花時微雨 三月七日

閒官休沐趁花時
經案繩牀味可知
蓄自斟壺畱熟
客借求書扇草新
詩靈檀灶鼎香無迹
小雨推窗樹
有姿大地迴春身
健在故人猶笑入山遲

落花詩

信天開謝任東風
小草無才奪化工
終比唐花心自
在先春勉強爲人紉

盆山紅雨漸闌珊
猶鎖晴窗護曉寒
自笑憐花心耐

久將殘總作未開看

荅邵五

閒官宛轉廿年強積勞如麻已盡償口不言貧家自足王陽原有作金方

戲荅新庶常

相望遙遙遂十科蓬瀛回首廿年過無勞問我神仙事鉛走砂飛變態多

富順袁能亨處士才達壽詩

笑把功名付子孫稻花香裏課雞豚真成純孝風何古不慕浮榮道已尊小隱深山能化俗太平高士合

旌門神仙修到心如海日飲無妨酒百罇

春暮得句

一蠶隨蝶上花稍也擬移家住鳥巢官退畏聞談大
政身閒懶去結新交名畱他日終嫌贅詩複前人不
諱鈔戰罷天魔龍虎靜元關深處有歌鐃

初夏卽事

砌草庭柯綠漸新又看紅雨送殘春養和小酒難畱
客寫與閒詩嬾贈人手版不書悲漫滅心壇有偈荅
高真朝參無分堂參少大隱何須更引身

宦情

四鄰高樹似青山，僮婢無聲僕御閒。
笑倚閨人課嬌女，宦情銷向百花間。

嚴悔庵

元照

秋扇圖

彈指秋霜滿鬢新，黃金何處買青春。
紅顏相愛休相怨，珍重雙雙善女人。

四月二十七日喜雨

驟響平階雨庭光，潑眼明鈎帘通竹氣。
補石助花情小，鬲香無篆虛檐。瀑有聲陽和開萬象，高枕待新晴。

送松嵐歸山東

拋却河東獬廌冠，團團草帽出長安。
騰身岱頂題詩

去從此成仙也不難

彰德郡齋石盆銘爲張雨巖

森

太守題

製作渾如雪浪盆蒼茫何代劖雲根題名了不書誰
氏埽盡名心古道存

髣髴龍門石佛龕書兼楷隸亦森嚴未知五代何人
手猶有唐賢氣味攬

我亦行將領郡符爲君題句幾躊躇風塵莽莽搖輒
去能得韓陵片石無

齋雲翹同年

嘉紹

小照

有喜春林鵲影多雲根默坐養天和千花爛漫香如

語一水滌洞靜不波閒對韶光寫襟抱妙無塵事到
巖阿畫圖容易摹清福可奈蒼生於望何

和小石上人

浙僧了學寄贈原韻

浩劫誰曾挂一絲心光無動月輪遲蓬壺縹渺仙能
飲僞頌分明佛有詩禪土木求融淨穢虛空何處著
神奇不應同拘蓮池水冷煖隨人自未知

驟雨

驟雨飛神弩迴風萬馬強跳珠千瓦碎止水一庭方
幻影憑心現空華許坐忘怒雲開頃刻林杪露斜陽

漫興

錯落棋枰局未闌。蓬壺回首鎮高寒。屢更臺省增前輩。漸稟堂司學外官。衰柳晚荷猶戀雨。走鉛飛汞不成丹。尋常動說投簪易。豈獨人難我亦難。

壯烈伯李忠毅公

長庚

輓詩

隻手強于百萬兵。居然大海一長城。生來飛將真才氣。配得青蓮古姓名。柁尾有龍擎使節。刀頭如雪湧詩情。十年莽莽東溟水。都是英雄戰鼓聲。

胡夢湘觀察道裝小照

雲衣舒卷十年情。小悟浮榮夢已清。利濟未忘真氣在。塵勞將倦道心生。身城有影看無界。人海無波聽

有聲檢點畫圖歸淨業一瓶花韻石牀平

新秋

花徑一黃葉書堂半綠陰蟲聲動危石蟬響破高林
學退經重校詩閒酒細斟爐煙通碧落何物累仙心
選期已近口占自嘲

一官宛轉廿年遲幻影魔人自不知老女夢中三改
嫁迷離又到上頭時

庚午七月部選萊州二十七日重赴灤陽同

王古愚

殊渥

張少伊

學稼

兩明府作

似與秋相約連年此再經宦情新舊雨詩味短長亭

色依人綠山光出塞青聯吟同翦燭舉酒話東溟

謝張雨巖

森

太守贈太平車

萬分難望魯東家偏拜南官敬叔車吾道未行先志
喜載君高義到天涯

船山詩草卷十七